



جدوال قمبراچائن خطبه جمعة

Siri 12/ 2022

(Bulan Disember Tahun 2022)

تاریخ	تاجوق	ب
2.12.2022M/ 7 Jamadilawwal 1444H	Khutbah Khas JKR Malaysia : قمبراغونن لیستاری، نعمت دشوکوری	1.
9.12.2022M/ 14 Jamadilawwal 1444H	تغکوغجواب ایو باف دوقتو چوتی سکوله	2.
16.12.2022M/ 21 Jamadilawwal 1444H	منجان قنداقتن نکارا تغکوغجواب برسام	3.
23.12.2022M/ 28 Jamadilawwal 1444H	سایغن دنیا برقدفد	4.
30.12.2022M/ 6 Jamadilakhir 1444H	انق ۲، سدیا کسکوله؟	5.
خطبه کدوا		

فرچیتقن دبیاای:ی:



تلیفون: 04-5498088

***Jawatankuasa Panel Semakan Teks Khutbah Negeri
Pulau Pinang***

- 1. SS Dato' Seri Dr. Haji Wan Salim bin Wan Mohd Noor
(Pengerusi)**
Mufti Kerajaan Negeri Pulau Pinang
- 2. Y.Bhg Dato' Rosli bin Othman**
Ahli Jawatankuasa Fatwa Negeri Pulau Pinang
- 3. Prof. Madya Dr. Atikullah bin Abdullah**
Pensyarah, Pusat Pengajian Ilmu Kemanusiaan,
Universiti Sains Malaysia
- 4. Ustaz Ahmad bin Hashim**
Ketua Pusat Pengajian Tahfiz Al-Quran,
Kolej Islam Teknologi Antarabangsa Pulau Pinang (KITAB)
- 5. Ustazah Rohayati binti Daud**
Mantan Penyelaras Program Intervensi Kaunseling,
Universiti Sains Malaysia
- 6. Ustaz Mohd Salmi bin Shaimi**
Guru, Madrasah Irshad Al-Ashraf Al-Wataniah, SPS
- 7. Ustaz Subki bin Mohamed**
Pensyarah, IPG Kampus Tuanku Bainun
- 8. Ustaz Mohd Hanif bin Omar @ Wahab
(Setiausaha)**
Ketua Penolong Pengarah, Bahagian Dakwah
Jabatan Hal Ehwal Agama Islam Pulau Pinang (JHEAIPP)



Anak-Anak, Sedia Ke Sekolah?

(30 Disember 2022M/ 6 Jamadilakhir 1444H)

الْحَمْدُ لِلَّهِ جَعَلَ الْعِلْمَ نُورًا لِلْعِبَادِ، وَرَفَعَهُ لِأَهْلِهِ فِي حَيَاةِ الدُّنْيَا وَيَوْمِ الْمَعَادِ،
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ الْمُنَزَّهَ عَنِ الشُّرَكَاءِ وَالْأَنْدَادِ،
وَأَشْهَدُ أَنَّ مُحَمَّدًا عَبْدُهُ وَرَسُولُهُ الدَّاعِي إِلَى الْحَقِّ وَالْهُدَى وَالسَّادِدِ،
النَّاهِي عَنِ الشَّرِّ وَالضَّلَالِ وَالْفَسَادِ،
صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ الْخِيَارِ الْأَمْجَادِ.
أَمَّا بَعْدُ، فَيَا أَيُّهَا الْمُؤْمِنُونَ، اتَّقُوا اللَّهَ تَعَالَى، فَإِنَّ تَقْوَى اللَّهِ -جَلَّ وَعَلَا- خَيْرُ زَادٍ

SIDANG JEMAAH MUSLIMIN YANG DIRAHMATI ALLAH SEKALIAN,

Marilah kita semua memanjatkan setinggi-tinggi kesyukuran kepada Allah di atas nikmat usia yang dikurniakan kepada kita. Bersama-samalah kita memanfaatkan usia dengan penuh ketakwaan dan berusaha menjadi insan berilmu. Moga dengan ilmu, hidup kita dan keluarga kita berjaya di dunia dan di akhirat.

Sebelum melanjutkan bicara, suka khatib memberi peringatan. Marilah kita tinggalkan perkara lagha yang bertentangan dengan sunnah serta adab yang boleh mengurangkan pahala, iaitu tindakan yang memesongkan perhatian daripada mendengar khutbah dan isi kandungannya. Ini termasuklah perbuatan berbual-bual, tidur dengan sengaja, bermain telefon bimbit dan menggerakkan tabung kutipan semasa khatib sedang berkhotbah. Mimbar pada hari ini akan membicarakan khutbah bertajuk: **“Anak-Anak, Sedia Ke Sekolah?”**.



SIDANG JEMAAH YANG DIKASIHI SEKALIAN,

Sesungguhnya Allah سُبْحَانَهُ وَتَعَالَى akan mengangkat derajat orang-orang yang berilmu dengan beberapa derajat berdasarkan firman-Nya dalam Surah Al-Mujadilah ayat 11:

يَا أَيُّهَا الَّذِينَ ءَامَنُوا إِذَا قِيلَ لَكُمْ تَفَسَّحُوا فِي الْمَجَالِسِ فَافْسَحُوا يَفْسَحِ اللَّهُ لَكُمْ وَإِذَا قِيلَ انشُرُوا فَانْشُرُوا يَرْفَعِ اللَّهُ الَّذِينَ ءَامَنُوا مِنْكُمْ وَالَّذِينَ أُوتُوا الْعِلْمَ دَرَجَاتٍ وَاللَّهُ بِمَا تَعْمَلُونَ خَبِيرٌ ﴿١١﴾

Maksudnya: “Wahai orang-orang yang beriman! Apabila diminta kepada kamu memberi lapang dari tempat duduk kamu (untuk orang lain) maka lapangkanlah sebolehnya supaya Allah melapangkan (segala halnya) untuk kamu dan apabila diminta kamu bangun maka bangunlah, supaya Allah meningkatkan derajat orang-orang yang beriman di antara kamu dan orang-orang yang diberi ilmu pengetahuan agama (dari kalangan kamu) beberapa derajat dan (ingatlah), Allah maha mendalam pengetahuan-Nya tentang apa yang kamu lakukan.”

Menurut Al Qurtubi dalam tafsirnya, firman Allah سُبْحَانَهُ وَتَعَالَى ini menunjukkan akan wujudnya ganjaran di akhirat dan *karamah* (kemuliaan) di dunia. Maka dengan itu, diangkat orang yang beriman daripada orang yang tidak beriman dan orang yang alim daripada orang yang tidak alim.

Abdullah Ibnu Mas’ud رَضِيَ اللَّهُ عَنْهُ berkata bahawa Allah memuji ulamak di dalam ayat ini iaitu Allah mengangkat orang-orang beriman yang diberi ilmu di atas orang-orang beriman yang tidak diberikan ilmu dengan beberapa derajat. Rasulullah juga mengisytarkan kepada kita tentang kelebihan menuntut ilmu iaitu seperti menempah tiket di syurga. Sabda Nabi صَلَّى اللَّهُ عَلَيْهِ وَسَلَّمَ:

مَنْ سَلَكَ طَرِيقًا يَلْتَمِسُ فِيهِ عِلْمًا سَهَّلَ اللَّهُ لَهُ بِهِ طَرِيقًا إِلَى الْجَنَّةِ

Maksudnya: “Sesiapa yang menempuh satu jalan untuk mencari ilmu pengetahuan, maka Allah memudahkan baginya satu jalan menuju ke Syurga.” (Hadis Riwayat Muslim)

SIDANG JEMAAH YANG DIRAHMATI ALLAH SEKELIAN,

Semua ibu bapa sudah pasti menginginkan kejayaan buat anak-anak mereka. Tetapi ibu bapa pada hari ini tidak mampu mendidik anak-anak sendirian tanpa bantuan daripada sistem persekolahan. Sekolah seolah-olah telah menjadi tempat utama dalam pendidikan anak-anak dalam menuntut ilmu. Sebagai ibu bapa yang bertanggungjawab, kita perlu prihatin tentang perkembangan persekolahan anak-anak. Tambahan pula, waktu ini adalah fasa persediaan anak-anak untuk kembali ke sekolah.

Selain daripada menyediakan barang keperluan persekolahan, terdapat beberapa aspek lain yang perlu diambil perhatian oleh kita bersama untuk memastikan anak-anak kita bersedia ketika sesi persekolahan yang bakal tiba nanti. Bersedia daripada sudut **rohani, emosi, fizikal dan intelektual**.

SIDANG JUMAAT YANG DIMULIAKAN ALLAH SEKALIAN,

Ada empat perkara penting yang perlu diberi perhatian oleh setiap ibu bapa sebagai persediaan anak-anak ke sekolah.

Pertama dan Utama, memberi penekanan pada sudut **rohani**. Pastikan bermula dengan niat yang betul untuk ke sekolah. Ia merupakan persediaan yang perlu kita tekankan kepada anak-anak. Niat menuntut ilmu hendaklah semata-mata untuk keredhaan Allah **سُبْحَانَهُ وَتَعَالَى**. Kita tidak mahu anak-anak ke sekolah sekadar memenuhi rutin harian sahaja. Orang pergi ke sekolah, kita pun pergi. Kita perlu sentiasa ingatkan mereka bahawa ke sekolah adalah ibadah. Rasulullah **صَلَّى اللَّهُ عَلَيْهِ وَسَلَّمَ** bersabda;

إِنَّمَا الْأَعْمَالُ بِالنِّيَّاتِ، وَإِنَّمَا لِكُلِّ امْرِئٍ مَا نَوَى

Maksudnya: “Bahawasanya segala amalan itu adalah dengan niat, dan bagi setiap seorang mendapat balasan apa yang diniatkan.”

(Hadis Riwayat Al Bukhari dan Muslim)



Kedua, daripada sudut **emosi**. Anak-anak sebenarnya memerlukan dorongan emosi yang positif untuk mereka lebih berjaya dan cemerlang. Untuk itu, ibu bapa perlu memberi semangat dan ransangan yang positif kepada anak-anak sama ada melalui kata-kata, sentuhan kasih sayang serta tindakan yang menggembirakan hati mereka.

Anak-anak akan bersemangat untuk menimba ilmu pengetahuan sebanyak yang mungkin sehingga ke peringkat yang tertinggi. Mereka juga perlulah berazam dan berusaha dengan gigih dan rajin agar dapat memberikan manfaat kepada masyarakat pada masa akan datang.

SIDANG JUMAAT SAKALIAN,

Ketiga, memastikan persediaan **fizikal** anak-anak sentiasa berada dalam keadaan yang sihat dan baik. Sesungguhnya tubuh badan yang sihat dan kuat itu adalah lebih baik berbanding tubuh badan yang lemah.

Pepatah Arab juga menyatakan “akal yang sejahtera adalah daripada badan yang sihat.” Usahlah biarkan anak-anak bermain dengan gajet atau *smartphone* sahaja. Gajet yang tidak memberi manfaat kepada kesihatan pada kes-kes tertentu, boleh mendatangkan mudarat dan bahaya kepada anggota badan serta mental anak-anak. Sebaliknya, pilihlah aktiviti yang mendatangkan kesan yang baik pada fizikal dan mental anak-anak seperti sukan berkuda, memanah dan berenang. Kata hikmah Arab menyebut:

عَلِّمُوا أَوْلَادَكُمْ السَّباحَةَ وَالرَّمَایَةَ وَرُكُوبَ الْخَیْلِ

Maksudnya: “*Ajarilah anak-anak kalian berenang, memanah, dan menunggang kuda.*”

SIDANG JEMAAH YANG DIKASIHI SEKALIAN,

Persediaan yang keempat dan terakhir, adalah daripada sudut **mental dan intelektual**. Sebelum memulakan persekolahan, jiwa anak-anak perlu dipupuk dengan semangat cintakan ilmu dan minat membaca tanpa mengira masa.

Membaca adalah kunci ilmu pengetahuan. Ibu bapa perlu memantau bahan bacaan yang bersesuaian dengan anak-anak. Jika ada kekangan kewangan untuk membeli buku, bolehlah dipinjam dari mana-mana perpustakaan yang beroperasi seperti perpustakaan daerah dan desa.

SIDANG MUSLIMIN YANG DIKASIHI SEKALIAN,

Khatib ingin menegaskan bahawa sekolah bukan sekadar tempat untuk mendapatkan ilmu akademik semata-mata, malah apa yang lebih utama ialah untuk membina sahsiah dan jati diri sebagai seorang mukmin yang bertakwa. Dengan ini, mereka tidak mudah terjebak ke dalam perkara mungkar dan gejala sosial yang banyak merosakkan generasi muda hari ini.

Sebagai kesimpulan, persediaan anak-anak untuk kembali ke sekolah perlu diberi perhatian yang sewajarnya oleh ibu bapa. Persiapan yang dilakukan hendaklah tidak hanya terhad kepada penyediaan barang-barang persekolahan sahaja seperti pakaian baharu, alat tulis dan buku. Tetapi persiapan di sudut mental, emosi, fizikal dan rohani perlu juga diberi penekanan seperti yang khatib sebutkan sebentar tadi.

Allah سُبحَانَهُ وَتَعَالَى berfirman:

بِسْمِ اللَّهِ الرَّحْمَنِ الرَّحِيمِ

أَقْرَأْ بِاسْمِ رَبِّكَ الَّذِي خَلَقَ ۝ خَلَقَ الْإِنْسَانَ مِنْ عَلَقٍ ۝ أَقْرَأْ وَرَبُّكَ الْأَكْرَمُ ۝

الَّذِي عَلَّمَ بِالْقَلَمِ ۝ عَلَّمَ الْإِنْسَانَ مَا لَمْ يَعْلَمْ ۝

Maksudnya: “*Bacalah (wahai Muhammad) dengan nama Tuhanmu yang menciptakan (sekalian makhluk), Dia menciptakan manusia dari sebuku darah; bacalah dan Tuhanmu yang Maha Pemurah; Yang mengajar manusia melalui pena dan tulisan; Dia mengajarkan manusia apa yang tidak diketahuinya.*”

(Surah Al Alaq :1-5)

بَارَكَ اللَّهُ لِي وَلَكُمْ فِي الْكِتَابِ وَالسُّنَّةِ، وَنَفَعَنِي وَإِيَّاكُمْ بِالْآيَاتِ وَالْحِكْمَةِ، أَقُولُ قَوْلِي
هَذَا، إِنْ كَانَ صَوَابًا فَمِنَ اللَّهِ الْمَنَّانِ، وَإِنْ كَانَ خَطَأً فَمِنْ نَفْسِي وَالشَّيْطَانِ، وَأَسْتَغْفِرُ
اللَّهَ الْعَظِيمَ لِي وَلَكُمْ وَلِسَائِرِ الْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ إِنَّهُ هُوَ
الْغَفُورُ الرَّحِيمُ.



خطبة كدوا بولن ديسمبر

2022M/ 1444H

الْحَمْدُ لِلَّهِ عَلَى آلَائِهِ وَإِحْسَانِهِ، وَالشُّكْرُ لَهُ عَلَى تَوْفِيقِهِ وَامْتِنَانِهِ،
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ تَعْظِيمًا لِحُشْنِهِ،
وَأَشْهَدُ أَنَّ مُحَمَّدًا عَبْدُهُ وَرَسُولُهُ دَاعِيًا إِلَى رِضْوَانِهِ.
صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ، عَدَدَ خَلْقِهِ وَرِضَا نَفْسِهِ،
وَزِينَةَ عَرْشِهِ وَمِدَادَ كَلِمَاتِهِ.
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ تَعَالَى رَبَّكُمْ حَقَّ تَقَاتِهِ، وَاعْمَلُوا بِطَاعَتِهِ وَمَرْضَاتِهِ،
ثُمَّ اْعْلَمُوا أَنَّ اللَّهَ سُبْحَانَهُ وَتَعَالَى أَمْرُكُمْ بِأَمْرٍ بَدَأَ فِيهِ بِنَفْسِهِ؛ فَقَالَ عَلِيمًا حَكِيمًا:
إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾

[الأحزاب: 56]

اللَّهُمَّ صَلِّ وَسَلَّم عَلَى عَبْدِكَ وَرَسُولِكَ مُحَمَّدٍ نِ الْبَشِيرِ النَّذِيرِ، وَالسَّرَاجِ الْمُنِيرِ،
وَارْضَ اللَّهُمَّ عَنْ آلِهِ وَصَحَابَتِهِ أَجْمَعِينَ، وَعَنِ التَّابِعِينَ، وَمَنْ تَبِعَهُمْ بِإِحْسَانٍ إِلَى
يَوْمِ الدِّينِ، وَعَنَّا مَعَهُمْ بِعَفْوِكَ وَكَرَمِكَ وَإِحْسَانِكَ يَا أَرْحَمَ الرَّاحِمِينَ.
اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ،
اللَّهُمَّ آمِنَّا فِي أَوْطَانِنَا، وَأَصْلِحْ وَاحْفَظْ أَيْمَتَنَا وَعُلَمَاءَنَا وَوُزَرَائِنَا وَوُلَاةَ أُمُورِنَا.
اللَّهُمَّ وَفِّقْهُمْ لِمَا فِيهِ عِزُّ دِينِكَ وَنَصْرُ شَرِيعَتِكَ، اللَّهُمَّ اجْعَلْهُمْ هُدَاةً مُهْتَدِينَ
صَالِحِينَ مُصْلِحِينَ وَاشْمَلِ اللَّهُمَّ بِعِنَايَتِكَ وَتَوْفِيقِكَ عَلَى صَاحِبِ الْجَلَالَةِ،



Kebawah Duli Yang Maha Mulia Seri Paduka Baginda Yang di-Pertuan Agong, Al-Sultan Abdullah Ri'ayatuddin Al-Mustafa Billah Shah Ibni Almarhum Sultan Haji Ahmad Shah Al-Musta'in Billah dan Kebawah Duli Yang Maha Mulia Seri Paduka Baginda Raja Permaisuri Agong, Tunku Hajah Azizah Aminah Maimunah Iskandariah Binti Almarhum Al-Mutawakkil Alallah Sultan Iskandar Al-Haj;

وَكَذَلِكَ صَاحِبِ الْفَخَامَةِ،

Tuan Yang Terutama, Tun Dato' Seri Utama Ahmad Fuzi Bin Haji Abdul Razak, Yang di-Pertua Negeri Pulau Pinang.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْغَلَاءَ وَالرِّيَاءَ، وَالرَّبَا وَالزَّنَا وَالزَّلَازِلَ وَالْمِحْنَ وَسُوءَ الْفِتَنِ مَا ظَهَرَ مِنْهَا وَمَا بَطَنَ عَنْ بَلَدِنَا هَذَا خَاصَّةً، وَعَنْ سَائِرِ بِلَادِ الْمُسْلِمِينَ عَامَّةً يَا رَبَّ الْعَالَمِينَ.

اللَّهُمَّ إِنَّا نَعُوذُ بِكَ مِنَ الْبَرَصِ وَالْجُنُونِ وَالْجُدَامِ وَمِنْ سَيِّئِ الْأَسْقَامِ، يَا أَرْحَمَ الرَّاحِمِينَ.

Ya Allah! Dengan sifat-Mu yang Maha Pemurah dan Maha Mendengar, jadikanlah kami dan keturunan kami orang-orang yang istiqamah mendirikan solat secara berjemaah serta mengeluarkan zakat dan melaksanakan waqaf melalui agensi milik penuh Majlis Agama Islam Negeri Pulau Pinang (MAINPP) iaitu Zakat Pulau Pinang (ZPP) dan Wakaf Pulau Pinang (WPP). Semoga sumbangan 10% daripada hasil kutipan Tabung Jumaat mingguan dari setiap masjid kepada Tabung Wakaf yang telah ditubuhkan, menjadi saham yang berkekalan manfaatnya, di dunia dan akhirat.

Ya Allah! Berilah petunjuk-Mu kepada kami dan pemimpin-pemimpin kami untuk memberikan khidmat bakti yang terbaik kepada agama, bangsa dan negara. Ya Allah! Kuatkan iman kami agar dapat menghindari perbuatan khianat, salah guna kuasa dan harta, memberi atau menerima rasuah dan segala perbuatan durjana yang merosakkan kepentingan agama, masyarakat dan negara. Jauhkan kami dari tergolong dalam golongan yang mengabaikan tanggungjawab yang telah diamanahkan.

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ! إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ ذِي الْقُرْبَى وَيَنْهَى عَنِ الْفَحْشَاءِ وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿١٠﴾ فَادْكُرُوا اللَّهَ الْجَلِيلَ يَذْكُرْكُمْ، وَاشْكُرُوهُ عَلَى نِعَمِهِ يَزِدْكُمْ، وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ ﴿١١﴾